

明

會

要

明會要卷六十九

永新龍文彬纂

祥異二

星聚

洪武十四年六月癸未辰星熒惑太白聚於井

十七年六月丙戌歲星填星太白聚於參

十八年三月戊子填星歲星太白聚於井

二十四年七月戊子太白熒惑填星聚於翼十一月乙未

辰星歲星合於斗十二月甲子熒惑辰星合於箕

二十五年正月辛丑熒惑歲星合於牛

明倫彙編 禮典典 卷一百一十五
永樂二年四月戊子太白熒惑合於井

正統十四年九月壬寅太白填星熒惑聚於翼十二月辛未太白歲星合於尾

景泰元年十一月壬申太白歲星合於箕

二年九月庚申太白熒惑填星聚於軫

四年三月乙丑太白歲星合於璧

五年正月戊辰太白歲星合於奎六月己酉熒惑歲星合於胃十一月己未太白填星合於氏

七年三月戊戌太白熒惑合於奎十月戊申歲星熒惑合於鬼

天順元年五月乙丑太白歲星合於井十二月丙辰太白
填星合於心

二年九月甲寅太白填星合於斗

三年九月乙巳太白歲星合於角

四年十月壬申歲星熒惑辰星太白聚於氏

五年十一月己亥填星熒惑合於牛甲子太白熒惑合於
虛

六年九月甲午太白熒惑合於張

七年十月庚寅歲星熒惑合於女庚戌太白歲星合於女
八年二月丙午填星歲星太白聚於危

成化四年四月癸巳歲星熒惑合於井壬子及七年七月
庚子太白歲星合於井

宏治十三年四月癸丑熒惑太白辰星聚於井

十六年八月庚申熒惑歲星填星聚於井

十八年五月丙申太白歲星合於星

正德二年九月戊辰星歲星太白聚於亢

已上天
文志

嘉靖三年正月壬午五星聚於營室光祿少卿樂馥疏自
古五星之聚非大福卽大禍聚房周昌聚箕齊霸漢興聚
東井宋盛聚奎天寶聚於尾箕而有祿山之亂皇上中興
五星聚室宜亟圖脩德以承此大慶占曰天下兵謀星聚

營室凡所爲內脩外攘以銷邊疆盜賊之謀者何可不加
意也

十八年閏七月庚申辰星熒惑太白歲星聚東井已上二
申錄

十九年九月乙卯太白辰星填星聚於角

二十三年正月癸卯熒惑歲星填星聚於房

四十二年七月戊戌太白歲星填星聚於井

四十三年四月庚子歲星填星熒惑太白聚於柳

萬曆二十年六月壬子太白辰星填星聚於井

三十二年九月辛酉歲星填星熒惑聚於危

天啟四年七月丙寅五星聚於張

崇禎七年閏八月丙午至九月壬申填星熒惑太白聚於尾

十一年十一月己卯歲星熒惑合於亢

已上天
文志

星隕

洪武三十一年七月長星西隕有聲如雷惠帝詔行寬政赦有罪蠲逋稅

三編

宣德元年十二月己巳有星大如椀出卷石東行過東井

墜地聲如雷

天文志

景泰元年三月有大星隕於廣州

成化九年七月有星隕於山東莒城縣

十二年四月流星隕於榆林城中有聲

巳上二錄

二十年五月有大星墜番禺縣東南聲如雷

天文志

二十一年正月甲申朔星隕有聲詔羣臣言闕失吏科給事中李俊率科臣上疏言今之弊政最大且急者近倖干紀也大臣不職也爵賞太濫也工役過煩也進獻無厭也流亡未復也天變之來率由於此帝優詔答之

三編

宏治四年十月丁巳有星隕光山縣化爲石如斗十一月甲戌星隕真定西北紅光燭天

七年五月宣府山西河南有星晝隕

八年四月辛未有星隕鉛山縣其聲如雷

十年正月壬子有星大如斗光長三十餘丈一小星隨之
隕於甯夏西北隅九月乙巳有星隕於永平有聲

十一年正月癸亥有流星隕於肅州大如房響如雷

十四年閏七月辛巳山東有星大如車輪自東南往西北
隕於壽光縣

正德元年十二月庚午有星如椀隕甯夏中衛已上天
文志

十二年八月星隕泉州二申
錄

十五年正月丁未酉刻有星隕於山西龍舟谷巡檢司廳

事天文
志

嘉靖七年十月河間星隕如雨

十二年十月辛巳京口星隕如雨瓊州潮州星隕亦如之

已上二
申錄

十九年五月辛丑星隕棗強爲石四

天文志

三十二年九月高唐有星起自東北飛向西北而隕如日光燭天

四十五年十一月有大星下隕羣星數百如雨隨之

已上
申錄

萬曆三年五月癸亥有二流星晝隕景州城北化爲黑石
四年十一月甲午有四星隕費縣質明落赤點於城西北
色如硃砂長二里闊一二尺

十三年七月辛巳有星如盃隕於沈邱蓮花集

十五年六月丙寅平陽晝隕星丁卯辰刻有星如斗隕於

平陰

已上天
文志

十六年九月岢嵐隕星化爲石青黑色長三尺餘形如枕

二申
錄

十七年正月庚申有星隕西甯衛大如月

天文
志

十八年三月代州星隕

十九年七月西甯星隕

已上
三編

二十七年三月庚子蓋州衛連隕大星三

三十三年十一月有星隕於南京教場

三十五年十一月癸巳有星隕於涇陽淳化諸縣

四十一年正月庚子真定流星晝隕有光

四十三年三月戊申晝星墜清豐東流村聲如雷

四十六年十月辛酉有星如斗隕於南京安德門外聲如
霹靂化爲石

天啟三年九月甲寅固原州星隕如雨

已上天
文志

五年八月廣州見大星如毬光長數丈自東流入於南散
作十餘道

崇禎十二年四月有星隕於鳳翔

十四年十二月高郵星隕大如屋

十七年三月己丑朔營頭晝隕聲如雷

怪星晝行名曰營頭已上二申錄

雪

洪武十四年五月丁未建德雪六月己卯杭州晴日飛雪

五行志

天順四年四月大雨雪月餘乃止

編三

成化十三年四月開原大雨雪

十六年七月越嶲雨雪交作

已上五行志

十七年六月癸亥雨雪

編三

宏治六年九月鳳陽大雪

二申錄

十七年六月癸亥雨雪

編三

萬曆二十四年四月己亥林縣雪

四十四年正月雨紅黑黃三色雪

四十六年四月辛亥陝西大雨雪

崇禎十一年五月戊寅喜峯口雪三尺已上五行志

霜

洪武二十六年四月丙申榆社隕霜損麥

成化二年四月乙巳宣府隕霜殺青苗已上五行志

十三年七月陝西隕霜傷稼二申錄

宏治八年四月庚申榆社陵川襄垣長子沁源隕霜殺麥

豆桑辛酉慶陽諸府縣衛所三十五隕霜殺麥豆禾苗

九年四月辛巳榆次隕霜殺禾是月武鄉亦隕霜已上五
行志

十六年八月鹽山隕霜殺稼二申
錄

正德八年四月乙巳文登萊陽隕霜殺稼丙辰殺穀

十三年三月壬戌遼東隕霜禾苗皆死

嘉靖二年三月甲子朔郊城隕霜殺麥辛未殺禾已上五
行志

九年六月慶元大霜殺禾

二十年六月鹽山隕霜殺禾已上二
申錄

二十二年四月己亥固原隕霜殺麥

隆慶六年三月丁亥南宮隕霜殺麥

崇禎元年三月義烏隕霜殺麥

十三年四月會甯隕霜殺稼

十六年四月鄆陵隕霜殺麥

已上五行志

雹

洪武七年六月陝西雨雹

五行志系之八月甲午

正統五年六月陝西大雨雹深尺許

天順元年六月大風震雷發屋拔木雨雹大如雞卵擊毀奉天殿東吻正陽門外馬牌飛擲郊外都人震恐

八年五月大雨雹李賢上言天威可畏陛下當懍然加省無狎左右近倖崇信老成共圖國是憲宗嘉納之成化元年五月大雨雹避正殿減膳敕羣臣修省

宏治六年八月辛未京師雨雹大如彈丸平地壅積禮部
尙書倪岳疏弭災急務勸帝勤聖學開言路止無功之賞
停不急之役黜奸貪進忠直帝嘉納之已上三編

嘉靖十五年二月溧陽雨雹順德雨雹或如斗或如蘿墜
水中沈復浮起

十七年四月吳城大風雨雹大如李陽山雹如斗

十九年十一月臨高雨雹大者如車輪

隆慶二年三月遵化冰雹損麥五月京師河南陝西皆大
冰雹

五年四月京師大冰雹

萬厯元年正月雨雹

二年二月杭州雨雹

三年六月靜樂大雨雹圓如車輪片如門扇已上二
中錄

九年八月遼東定遠等衛雨雹如雞卵秋禾盡傷凡百餘

里

三十一年七月京師大雨雹時邠州安肅並大風雨冰雹

已上天
文志

三十四年七月乙酉大雨雹

四十年八月瑞州大雨雹形似麒麟重有斤許

四十一年四月淮安雨雹如雞卵凡數百里已上二
中錄

四十二年五月乙卯夜京師大雨雹

天文志

崇禎四年五月大同雨雹襄垣亦雨雹大如伏牛小如拳
斃人畜甚眾

十二年八月大雨雹

十三年四月諸暨雨雹害稼殺牛羊甚眾

已上二
申錄

木冰

洪武四年正月戊申木冰

六年十二月乙丑雨木冰

十一年正月丁亥雨木冰

二十二年正月甲戌雨木冰

正統三年十月丁丑曉木介已上五行志

景泰六年正月雨水冰編三

天順七年十月甲辰雨水冰

八年正月乙丑雨水冰成花

成化十六年正月辛卯曉雨水冰已上五行志

嘉靖三十九年十一月江甯木冰如花錄二申

隆慶三年十一月癸巳木冰

萬曆十四年冬蘇松木冰

崇禎元年十一月陝西木冰樹枝盡折已上五行志

總天變

洪武元年八月甲戌夜京師天鳴如河傾海注

二申錄

十九年九月丙子天雨絮

二十一年九月壬戌至甲子天鼓鳴晝夜不止

宣德元年八月辛未東南天鳴聲如萬鼓辛巳東南天有青氣狀如人叉手揖拜

正統四年七月蘇松常鎮四府大風拔木殺稼

已上五行志

八年六月雷震奉天殿鴟吻帝輟朝祭告勅修省求直言

三編

十年三月庚寅西北天鳴如鳥羣飛

五行志

景泰二年二月欽天監奏土星逆行太微垣帝曰上天仁

愛垂象示警朕當省悔五府六部都察院翰林院其詳議
寬恤條例以聞三編

成化四年三月昏霧蔽天不見星日者累晝夜

七年四月丙辰雨黑沙如漆

九年四月乙亥兩京雨土十三年六月壬子雨錢於京師

十四年八月丁未南京大風拔太廟樹

十五年八月辛卯南京大風拔孝陵木

宏治八年六月甲子縵縣雨豆

十年三月己酉雨土

十一年四月辛巳雨土

正德元年二月壬子夜東北天鳴如風水相搏五七次六
月寧西大風壞郊壇獸瓦

嘉靖元年正月丁卯雨黃沙七月己巳南京暴風雨拔樹
萬餘株

八年十月癸巳杭州雨黑水

二十一年象山雨黃霧行人口耳皆塞

已上五行志

三十年正月連江雨石有聲如雷

二申錄

三十四年七月丙戌太風拔朝日壇樹

五行志

三十五年四月仁化天雨赤水色如赤珠

四十五年八月華容天開日闕

已上二申錄

隆慶二年四月天雨黑豆八月甲辰絳州西北天裂自丑
至寅乃合

六年閏二月癸酉遼東赤風揚塵蔽天

萬曆十六年九月乙丑甘肅石灰溝天鳴雲中如犬狀亂
吠有聲

二十五年二月癸亥湖州黑雨雜以黃沙

四十一年八月乙未青州大風拔樹傾城屋

四十三年四月戊寅石首雨豆

崇禎元年三月辛巳昧爽天赤如血射牕牖皆紅已上五行志
七年二月戊午海豐雨血黃梅天雨黑子如粟二申錄

十年山東雨黑水新鄉亦如之

五行志

地震

洪武五年四月廣州地震八月又震有聲如雷七月建康

地震二申錄

八年七月京師地震十二月復震

三編

建文元年三月京師地震詔求直言御史尹昌隆言奸臣

專政陰盛陽微謫見於天是以地震同上

三年正月辛酉朔常州地震

二申錄

永樂元年十一月北京地震

二年十一月京師地震

濟南開封亦震

六年五月京師地震

十一年八月北京地震

十三年九月北京地震

十五年九月京師地震

十八年六月北京地震

二十二年六月南京地震

洪熙元年二月南京地震凡十有六震四月又三震五月復震

宣德元年二月南京地震七月京師地震

二年正月南京地震是年凡十有一震

四年正月兩京地震

北京是年震者三南京震者七

五年十二月兩京地震

正統三年三月京師地震

四年六月京師地震八月又震

十年二月京師地震

十一年六月京師地震

景泰二年七月癸丑京師地震八月壬申南京地亦震

天順五年京師地震有聲

已上三編

成化元年四月甲申河南鈞州地震有聲

二申錄

三年四月四川地震

自去年六月至於八月凡三百七十五震敕所在官吏脩省遣使祭其

川山

四年八月京師地震

已上
三編

六年正月丁亥河南湖廣地震

二申
錄

十二年正月南京陰霾地震南京科道官上言弭災之策
乞進君子以正朝廷擇將帥以備邊郡設法制以弭盜賊
並乞飭天下鎮巡官及三司郡縣省刑薄斂拯飢緝盜毋
妄興土木毋因公科擾詔下所司行之

十三年九月京師地震

十七年二月甲寅南京地震鳳陽淮安揚州和州及山東
河南州縣同日皆震禮部言考之傳記春動者饑二月動

者水今地動踰千里况鳳陽南京宗廟社稷所在關繫尤重乞敕有司卹冤矜寡施德澤以弭災異廣儲蓄以備歲凶脩渠堰以防水患從之

二十年正月庚寅京師地震永平諸府及宣府大同遼東皆同日地震敕諭羣臣曰朕仰惟祖宗丕緒夙夜惕兢圖惟政理然治效未著地震京師天戒至矣齋心滌慮省愆修德爾文武羣臣與朕共天職者得毋有竊位苟祿以召致災咎者乎自宜痛自懲艾以毗朕志

二十一年三月泰山震五月京師地震

宏治三年十二月己未京師地震

四年六月辛亥京師地震八月乙卯南京及淮揚二府同日震

七年七月乙巳京師地震九月戊寅南京地震十一月壬

子京師地復震

已上三編

八年十一月貴州地震

大政記

十三年七月乙巳京師地震

十四年正月庚戌朔陝西地大震時河南之永甯盧氏山西之蒲州安邑滎河亦於是日震二月乙未至三月癸亥蒲州地凡二十九震十月辛酉南京地震於是兵部尙書馬文升言陝西與敵爲鄰延慶二府尤密邇河套乃地震

未已此外寇侵陵之兆今小王子部落日眾其酋長和碩
往往以詐計敗我官軍其患非小伏乞脩德弭災行仁政
以養民講武備以固國節財用停齋醮止傳奉冗官禁奏
乞閒田撤回陝西織造內臣振恤被災之家帝從其言上已

編三

正德五年七月四川地震

二申錄

六年十一月地震

三編

七年閏五月杭州地震七月八月連震

二申錄

九年八月乙巳京師地震

十一年八月戊辰南京地震

十四年二月丁丑京師地震

嘉靖三年正月地震

四年八月南畿地震是歲天下地震凡六十有三

十五年十月地震

十八年四月山西地震

二十七年七月京師地震

二十九年正月山東地震

三十年九月乙未京師地震

三十五年八月冀州等處地震十一月陝西地震

三十八年七月南京地震

已上
三編

三十九年三月甯夏地震湖州大震竹溪地震出血二申錄

四十五年正月福建地震

隆慶二年三月京師地震

三年十一月京師地震

四年四月京師地震已上三編

五年六月辛卯朔京師地震者三二申錄

萬曆二年三月福建地震

三年十月京師地震已上三編

五年七月廣州地震二申錄

七年七月京師地震

九年四月山西地震

已上
三編

十一年六月廣東地震七月又震

二申
錄

十二年二月京師地震

十三年三月山西地震八月復震

十四年四月癸酉京師地震申時行等奏曰恆暘不雨陽
亢也地震弗甯陰縱也願祇天戒恤民艱慎起居修政事

報聞

十五年九月山西地震

十六年六月京師地震

十七年五月西甯衛地震六月廬州鎮江地震七月福建

浙江地震

十八年二月順德地震

十九年六月山西地震七月甘肅廣西地震

二十三年五月京師地震

二十五年八月京師地震遼陽開原廣甯等衛宣撫薊鎮等處俱震

二十六年八月丁丑京師地震

二十八年二月戊寅京師地震

三十年五月四川地震六月福建地震

三十一年四月承天地震五月京師地震

三十二年閏九月陝西地震已上三編十月江南地震二申錄

三十三年五月廣西地震九月京師地震

三十六年二月京師地震七月復震

三十七年正月永昌地震六月甘肅地震

四十二年九月地震

四十三年十月京師地震

四十四年七月地震

四十五年五月鳳陽地震

四十六年六月京師地震七月復震山西州縣十有七及

紫荆關偏頭神池同日震甘肅紅崖堡震聲如雷遼東寬

甸海蓋間亦震

四十八年二月地震

天啟二年九月地震

三年四月京師地震十二月兩京鳳陽蘇松淮陽泗滁同日地震

四年二月京師地震十二月南京地震

六年六月地震十二月南京地震

七年十月南京地震

崇禎元年九月京師地震

已上三編

十二年九月福建廣西地震

二申錄

十三年十一月南京地震編三十二月宣府地震汝甯上蔡

地裂

十四年正月湖廣地震八月陝西地震

十五年四月山西地震七月復震己上二申錄

十七年正月庚寅南京地震編三

山崩

洪武六年正月壬戌夜伏羌高山崩五行志

正統八年十一月浙江紹興山移於平田又陝西二處山

崩一處山移有聲叫三日移數里二申錄

成化十七年十二月辛丑壽陽縣城南山崩聲如牛吼

宏治三年六月乙巳河州山崩地陷

九年六月庚寅山陰蕭山二縣同日大雨山崩

正德五年六月癸巳秦州山崩

六年七月丙寅夔州獐子溪驟雨山崩已上五行志

十一年六月丙子陽江淫雨山崩二申錄

十三年五月癸亥雲南黑鹽井山崩

十五年八月丁丑雲南趙州大雨山崩

嘉靖四年七月乙酉清源賈家山崩已上五行志

六年四月高明山崩凡二百丈二申錄

隆慶二年五月庚戌永甯州山崩

四年八月湖州山崩成湖

萬厯二十五年六月泰山崩

行志上五

二十七年八月陝西山崩

編三

三十七年六月辛酉甘肅南山崩

五行志

崇禎二年五月羅浮山崩

二申錄

隕石

成化六年六月壬申陽信雷聲如嘯隕石一碎爲三外黑

丙青

十四年六月辛亥臨晉隕石入地三尺大如升色黑

宏治三年三月慶陽隕石無數大者如雞卵小者如芡實

十二年五月戊寅朔州有聲如雷隕大石三

正德九年正月己卯濱州有聲隕石

十三年正月己未鄰水隕石一

嘉靖四十二年三月癸卯懷慶隕石

隆慶二年三月己未保定新城隕黑石二

萬曆十七年九月戊午萬載隕石演武廳畔

十九年四月辛酉遵化隕石二

崇禎九年九月丁未太康隕石

已上五行志

明會要卷六十九終

明會要卷七十

永新龍文彬纂

祥異三

水災

洪武八年七月淮安北平山東河南大水

五行志

十二月直隸蘇州湖州嘉興松江常州太平甯國杭州俱水

九年蘇松嘉湖及常州太平甯國浙江杭州湖廣荊州黃

州諸府水

已上三編

永樂二年六月蘇松嘉湖四府水七月湖廣江西水

五行志

九年浙江湖廣河南順天揚州水

三編

十二年十月崇明潮暴至漂廬舍五千八百餘家

五行志

正統元年兩畿山東河南陝西湖廣廣東大水

四年五月京師大雨水溢壞官廨民居三千三百餘區帝祭告天地諭羣臣修省下詔寬卹求直言

五年六月兩畿山東河南浙江江西大水

十三年四月陝西江西水

景泰六年閏六月兩畿湖廣水

七年七月兩畿山東河南大水

成化元年七月兩畿河南山西湖廣江西浙江大水

二申錄

六年六月順天河開永平諸府大水

八年七月南畿浙江大水

十四年七月京畿山東大水

十八年八月大水衛漳滹沱並溢河南霪雨自六月至於
是月漂損廬舍三十一萬四千二百餘閒渰死居民一萬
一千八百餘人

宏治十年濟兗青登萊五府大水

嘉靖二年七月南畿大水漂沒田廬人畜無算

十六年兩畿山東河南陝西浙江各被水災湖廣尤甚上

編三

四十年九月蘇松常鎮杭嘉湖七府大水

隆慶三年南畿浙江大水

四年九月陝西大水

五年十月河南山東大水

萬厯三年五月淮揚大水帝下詔曰近來淮揚地方無歲不奏報災傷無歲不蠲免振濟若地方官平時著實經理民事加意撙節多方設備卽有災荒豈至束手無措今爲官者本無實心愛民一遇水旱卽委責於上事過依舊因循不理豈朝廷任官養民之意吏部查兩府有司有貪酷虐民及衰老無爲者黜之

八年六月南畿大水

九年八月揚州大水漂沒官民廬舍凡數千間

已上三編

十四年夏江南浙江江西湖廣廣東福建雲南遼東大水

五行志

三十一年六月山東泰安州大水溺死八百餘人屋宇傾

圯千餘間

三十二年六月昌平大水壞長泰康昭四陵石梁七月永

平府屬諸州縣大水溺死男婦無算

三十五年六月湖廣及徽甯太平嚴州大水

三十六年六月南畿大水南京科道等官揭報淫雨連綿

日會身卷一
三
江湖泛漲自留京至常鎮諸郡皆被淹沒蓋二百年未有之災乞速行振濟給事中胡忻言部院藩臬諸官懸缺不補人心愁怨召診宜籌所以修省之實不報

三十七年五月福建大水

三十九年廣東廣西兩畿湖廣皆大水諸大吏請罷榷稅以甦民命不報

四十一年兩畿江西河南山東湖廣廣西遼東俱大水

天啟六年六月京師大水

崇禎五年六月京師大雨水給事中李世祺上言日者輔理調變無聞精神爲固寵之用統軍衡才無術緩急無可

恃之人中樞決策掩耳盜鈴主計持籌醫瘡剗肉州縣迫
功令鞭策不前六曹窘簿書救過不贍一人議疑及眾人
一事訾疑及眾事黃衣之使頡頏卿貳之堂貂蟬之座雄
踞節鉞之上低眉則氣折強項則釁開各邊監視之遣已
將期月初雖閒有摘發繼亦同歸模稜伏願撤回監使以
明陰不干陽之分然後採公論以進退大臣酌事情以衡
量小臣釋疑忌之根開功名之路則天變可回時艱可濟

已上
三編

火災

洪武元年閏七月丁酉京師火延燒永濟倉

三年七月乙未寶源局火

五年二月壬辰至甲午京師火燬龍驤等六衛軍民廬舍

二十一年二月戊辰歷代帝王廟火

二十九年二月辛丑通州火燔屋千九百餘

已上五行志

建文二年八月承天門災

永樂十九年四月奉天華蓋謹身三殿災詔曰朕仿古建
二京乃三殿同災朕心惶懼意者敬天事神禮有怠與祖
法戾政務乖與小人在位賢士隱遯與刑獄冤濫與讒慝
交作與掊克及田里與蠹財妄費用無度與租稅太重徭
役不均與軍旅未息征調無方饋餉乏與工作過度民力

疲與奸人附勢羣吏弄法有司闕茸不治與爾文武羣臣
條陳無隱於是詔罷不便於民及不急諸務蠲十七年以
前逋賦及十八年被災田租

二十年閏十二月戊寅乾清宮災

已上三編

正統三年八月辛酉順天貢院火席舍多焚改期再試

十四年六月南京謹身奉天華蓋三殿災

景泰五年春南京火延燒數千家

已上五行志

天順元年七月承天門災下詔罪己敕羣臣修省

三編

三年九月庚寅肅州城中火延燒五千四百餘家

五行志

成化十一年四月壬辰夜乾清宮門災越四日乙未以災

告於奉先殿謹躬自責

二十二年六月臨海縣災延燒千七百餘家

宏治四年十二月鳳陽陵火

已上三編

十一年自春徂夏貴州大火燬官民房舍千八百餘所死傷者六千餘人十月甲戌清甯宮災

十二年六月甲辰夜闕里至聖廟災十二月建陽縣書坊火古今書板皆燼

正德元年十一月己亥臨海縣治火延燒數千家

八年六月辛酉豐城縣西南連隕火星如盆如斗既而火

作至七月初始熄燔二萬餘家

已上五行志

九年正月乾清宮災楊廷和以宮災自劾請帝避正殿下

詔罪己帝不省

三編

嘉靖四年三月壬午仁壽宮災玉德安喜景福諸殿俱燼

安喜景福皆宮名詳方域門

十三年六月甲子南京大廟火

二十年四月辛酉九廟災燬成仁二廟主

三十五年九月戊辰杭州大火延燒數千家

已上五行志

三十六年四月奉天華蓋謹身三殿災帝下詔引咎修齋

五日止諸司封事停刑五月

四十年十一月永壽宮災

已上三編

隆慶二年四月承運庫火累朝寶器皆燬錄二三月乙亥

乾清坤甯兩宮一時俱燼

萬曆十一年十一月庚午夜慈甯宮災

十二年二月己酉無逸殿災已上五行志

二十二年六月西華門災

二十四年三月乙亥乾清慈甯兩宮災

二十五年六月戊寅三殿災時帝銳意聚財多假殿工爲
名言者謂天以民困之故災三殿以示警奈何復因天災
以困民帝不納已上三編

三十年十月丙申孝陵災五行志

三十一年三月遼東火

三十三年九月昭和殿災

三十八年四月正陽門災給事中周曰庠上言正陽門樓與正殿相對義取當陽正南面以臨天下者也自萬厯二十年來深居大內大小臣工莫能接見人材政事置之膜外昔年宮殿災業已示譴迄今十餘年玩愒如初所謂恭己正南面者杳無時日則何取於正陽之名爲哉天故火之庶幾顧名思義耳願稍加振刷天下事尙可爲也疏入不報

三十九年四月戊子怡神殿災

五行志

四十四年十一月己巳隆德殿災

四十六年九月壬子茂陵災

四十七年五月癸酉盍甲廠災

泰昌元年十月丁卯噉鸞宮災

天啟元年閏二月丙戌怡和殿災三月甲辰杭州火延燒
六千餘家七月戊子復災城內外延燬萬餘家

六年五月戊申王恭廠災

崇禎元年七月己卯公安縣火燬文廟延五千餘家

已上行

志

旱

洪武三年五月旱帝齋於西廡皇后躬執爨爲農家食太子諸王饋於齋所帝素服草屨徒步至壇席橐曝日中夜臥於地凡三日詔省獄囚越五日大雨三編

四年山西河南陝西及直隸常州臨濠北平河閒永平旱

五行志

八年應天太平甯國鎮江及蕪黃諸府旱

二十六年四月旱詔羣臣言事理獄囚

永樂十三年鳳陽蘇州浙江湖廣旱

宣德元年夏江西旱湖廣夏秋旱

二年南畿湖廣山東山西陝西河南旱

八年三月兩京河南山東山西旱

已上五行志

六月帝作閱旱

詩示羣臣

正統七年四月兩畿山東山西河南陝西旱

十年湖廣旱

十三年四月兩畿山東河南湖廣旱

已上三編

十四年六月順天保定河閒眞定旱

景泰元年畿輔山東河南旱

七年八月浙江江西湖廣南畿山西旱

天順三年兩畿浙江湖廣江西四川廣西貴州旱

已上五行志

成化六年四月旱

八年京畿四月不雨運河水涸遣使禱於天地社稷山川
淮瀆東海之神

十七年四月旱風霾敕羣臣修省

二十年六月大旱

宏治六年六月大旱

正德十一年夏大旱

嘉靖二年四月旱

四十五年六月旱帝親禱於凝道雷軒越三日雨

萬厯元年四月旱諭百官修省釋重囚

九年四月京師旱

十年四月京師旱疫

十三年二月旱大雩四月京師旱大雩帝步禱於南郊面
論大學士等曰天旱雖由朕不德亦天下有司貪婪剝害
小民以致上千天和今後宜慎選有司乃詔中外理冤抑
免天下被災田租一歲

十五年四月旱

二十六年四月京師旱

二十七年夏旱

二十八年七月旱給事中王德完以祈禱雨澤奏言致旱
有由縱其所以毒民者是也弭災有法衛其所以保民者

是也今出柙中之虎兕以吞糜羣黎怨憤無處伸鬱結無時解霖雨以天怒而屯肥蠶緣人妖而出如之何不旱亟改前絃將各省贖貨之使一旦撤回則修省以實不以文何旱災之不禱哉疏入不報

二十九年五月旱

三十五年十月山東旱

三十八年閏三月旱

三十九年四月京師旱

四十三年五月畿內山東旱

泰昌元年八月遼東旱

崇禎四年四月旱

七年五月大旱帝因旱求言給事中黃紹傑乃疏言漢世災異策免三公宰執亦因罪以求罷今者久旱陛下修明政治納讜言可謂應天以寶矣而雨澤不降天有所怒而不解也次輔溫體仁秉政數載上干天怒無歲不旱曠無日不風霾無處不盜賊無人不愁怨此召變之尤願陛下罷體仁以回天意體仁罷而甘霖不降殺臣以正欺君之罪

十年六月兩畿山西江西大旱

十二年六月畿內山東河南山西旱

十四年六月兩畿山東河南浙江湖廣旱已上三編

蝗

洪武六年六月山西北平河南山東蝗三編

建文四年京師飛蝗蔽天

永樂元年夏山東山西河南蝗

十四年七月畿內河南山東蝗已上五行志

宣德五年遣使捕畿內蝗帝諭戶部曰往年捕蝗之使害

民不減於蝗宜知此弊因作捕蝗詩示之三編

九年七月兩畿山西山東蝗蝻覆地尺許傷稼

十年四月兩京山東河南蝗蝻傷稼

正統二年四月北畿山東河南蝗已上五行志

七年夏兩畿山東山西河南陝西旱蝗

十三年七月乙酉朔京師飛蝗蔽天已上三編

十四年夏順天永平濟南青州蝗

景泰五年六月甯國安慶池州蝗

天順元年七月濟南杭州嘉興蝗

成化三年七月開封彰德衛輝蝗

宏治三年北畿蝗

四年夏淮安揚州蝗已上五行志

六年六月飛蝗過京師自東南而西北日爲掩者三日戶

部請遣順天府丞畢亨行縣督捕

七年三月兩畿蝗命捕蝗一斗給米倍之已上三編

嘉靖三年六月順天保定河間徐州蝗

隆慶三年閏六月山東旱蝗已上五行志

萬曆十九年秋畿內蝗

三十四年六月畿內蝗

天啟元年七月順天蝗

崇禎十一年六月兩畿山東河南大旱蝗

十四年六月兩畿山東河南浙江湖廣旱蝗已上三編

人異

洪武二十四年八月河南龍門婦司牡丹死三年借袁馬頭之屍復生

成化十七年六月宿州民張珍妻王氏臍下右側裂生一子

二十年十一月徐州婦人肋下生瘤久之瘤漸大兒從瘤出

宏治十六年五月應山民張本華妻崔氏生鬚長三寸是時鄭陽商婦生鬚三線約百餘莖

嘉靖二年六月曲靖衛舍人胡晟妻生一男兩頭四手三足

四年橫涇農孔方脇下產肉塊剖視之一兒宛然

五年江南民婦生妖六目四面有角手足各一節獨爪鬼聲

十二年貴州安衛軍李華妻生男兩頭四手四足

二十七年七月大同右衛舍人馬錄女年十七化爲男子
隆慶二年十二月靜樂男子李良雨化爲婦人

五年二月唐山民婦生兒從左脇出

萬曆十年浙川人化爲狼

十八年南宿州民婦一產七子膚髮紅白黑青各色

三十七年六月繁峙民李宜妻牛氏一產二女頭相連手

足各分

四十六年廣甯衛民婦產一猴二角四齒

崇禎十五年十一月曹縣民婦產兒兩頭頂上有眼手過

膝已上五
行志

禽獸之異

宏治十四年華容民劉福家雞雛三足

十七年六月崇明民顧孟文家雞生雛猴頭而人形身長

四寸有尾活動無聲

嘉靖四年長垣民王憲家雞抱卵內成人形耳目口鼻四

肢皆具

萬曆二十二年六月靖邊營軍家雌雞化爲雄

二十五年二月壬午岳州民有鴨含絮裏火飛上屋入竹
綠茅茨中火四起延燒數百家

四十三年四月壬午雙鶴銜火飛集掖縣海神廟殿明日
廟火

崇禎六年汝甯有鳥鳩身猴足鳳陽惡鳥數萬兔頭雞聲
鼠足供饌甚肥犯其骨立死

十年宣武門外民家白雞喙距純赤重四十斤或曰此鰲
也所見之處國亡

十四年太倉衛指揮姜周輔家雞伏子兩頭四翼八足已

異禽

宣德七年五月忻州民武煥家馬生一駒鹿耳牛尾玉面

瓊蹄肉文被體如鱗

已上五行志

成化二十年七月泗州牛生麒麟

二申錄

宏治元年二月景甯屏風山有異物成羣大如羊狀如白馬數以萬計首尾相銜迤邐騰空而去

九年八月有黑熊自都城蓮池緣城上西直門官軍逐之下不能獲啗死一人傷一人

十一年六月有熊自西直門入城郎中何孟春曰當備盜亦宜慎火是年城內多火災

嘉靖五年七月南城縣有虎具人手足已上五
行志

六年四月舞陽生麒麟雙角馬蹄口吐火焰其聲如雷二
錄漳浦有牛產犢三目三角

七年杭州民家有豕肉膜閒生字

四十二年四月海鹽有海馬萬數岸行二十餘里其一最

巨高如樓記上五
志

隆慶三年松江有豕生八足三山牛產一黃犢七足腹下

四足脊上三足皆賴前後竅各二二
申錄

萬曆三年三河民家生八豕一類人形手足俱備額上一

目

四十四年七月常鎮淮揚諸郡土鼠千萬成羣夜銜尾渡江絡繹不絕幾一月方止

四十五年五月南京有鼠萬餘銜尾渡江食禾稼八月開州牛產犢兩口三眼

四十七年六月黃縣生豕雙頭四耳一身八足七月甯遠生豕身白無毛長鼻象嘴懷甯民家產一犬長五寸高四寸一頭二身八足狀如人

天啟四年三月神木生豕額多一鼻逆生目深藏皮肉合則不見

七年三月莒州牛產犢如麟

崇禎元年三月石泉生豕類象鼻下一目甚大身無皮毛
肉皆白

十二年黃州鼠食禾渡江五六日不絕又秦州關山中鼠
化鷓鴣者以數千計

十五年二月羣鼠渡江晝夜不絕七月聊城生豕一首二
尾七蹄十月榆林定邊諸堡鼠生蝦蟆腹中一生數十食

苗如割

已上獸異皆
見五行志

草木之異

正統八年十一月殿上生荆棘高二尺

十四年廣州獄竹床踰年忽生青葉

明會要卷十一
宏治八年二月枯竹開花實如麥米苦蕒開蓮花
九年廣州民家瓜大如斗瓢皆出血

正德元年永嘉自冬至春麥穗桃李實

崇禎四年五月河南草生人馬形如披甲持矛馳驅戰鬥者然

十三年徐州田中白豆多作人面眉目宛然

已上草異

宏治八年長沙楓生李實黃蓮生黃瓜

九年三月長甯柎生蓮花李生豆莢

十六年九月安陸桃李華

正德六年八月霸州桃李華

已上五行志

嘉靖三十年正月蕭山桃生橘象山柏樹開雞冠花李生黃瓜

隆慶二年十月桃李花開麥秀梅杏實

已上二
申錄

五年四月杭州粟生桃

萬曆十八年五月丁卯祖陵大松樹孔中吐火竟日方滅
二十三年十二月癸亥皇陵樹顛火出延燒草木

天啟六年四月癸巳白露著樹如垂綫日中不散十月辛酉南京西華門外有烟無火禮臣往視乃舊宮材木瘞土中久烟自生土石皆焦以水沃之三日始滅

崇禎六年五月癸巳霍山縣有木甑飛墮不知所自來

上巳

木異皆見
五行志

雜變異

洪武五年河南黃河竭行人可涉

十一年正月元旦甲戌早朝殿上金鐘始叩忽斷爲二
建文二年四月乙卯燕王營於蘇家橋兵端火光如毬上
下相擊金鐵錚錚弓弦自鳴

宣德元年七月甲午京師地生毛

正統十一年二月異氣見奉天華蓋二殿

成化十二年七月庚戌京師黑眚見有物金精脩尾狀如
犬狸負黑氣夜入民家至則人昏迷徧城驚擾帝常朝奉

天門侍衛見之而譁頃之始定帝於禁中祭告天地以四事自責大學士商輅疏弭災八事帝優詔褒納

十三年二月甲午浙江山陰湧泉如血十四年八月戊戌早朝東班官若聞甲兵聲辟易不成列久之始定

宏治九年六月庚辰宣府鎮南口墩驟雨火發龍起刀鞘
丙

十八年五月辛卯日午旋風大起雲翳三殿若有人騎龍入雲者

正德元年正月辛丑鳳陽紅光發與日同色聲如雷

四年三月甲寅蓋州衛城樓鐘自鳴者三

七年文登秦始皇廟鐘鼓自鳴成山衛亦如之

八年七月甲申龍泉有赤彈二自空隕於縣治形如鵝卵躍入民居相鬪久之

嘉靖三十三年四月戊子慈谿民家湧血高尺餘

三十七年五月戊辰東陽民張思齊家地裂五六處出血如線高尺許血凝犬就食之掘地無所見

隆慶六年七月七日有物轟轟飛至直隸華亭海濱墮於地乃鐘也鑄時年月具在識者謂其來自閩云

萬曆六年七月丁丑松門衛金鐘家湧血三尺有聲

十三年四月乙丑虹民王祿投宿姚壘家見血出於地驚

走至市市亦流血鄉人擊器物諫之乃止

十四年建昌民樵於山逢巨蛇一角六足如雞距不噬不驚或言此肥蠶也

十九年六月庚戌慈谿矛家浦湧血入處大如盆高尺許血濺船船卽出血濺人足足亦出血數刻乃絕

二十一年十月甲申山東督撫令旗及刀槍頭皆火出且有聲

二十四年十二月辛卯同安生黑毛

二十六年五月庚寅古浪城樓大鐘自鳴者三

天啟元年六月庚寅肇慶民王體積中庭噴血如跑突泉

六年五月丁未京師石獅擲出城外銀錢器皿飄至昌平
閱武場中

崇禎六年五月癸巳有鐵斧飛落霍山縣

八年十二月辛巳夜四鼓山東鎮南大礮鳴如鐘至黎明
大吼一聲乃止

十年錢塘江木桡化爲魚有首尾未變者

十一年京師有黑眚狀如狸入民家爲祟半歲乃止已上行志

明會要卷七十終